

小倉山房文集

序

文莫古於經而經之註疏家非古文也不開鄭與崔蔡並稱文莫古於史而史之考據家非古

聞如淳師古與韓柳並稱其他藻語但語理僻語皆非古文則本朝望溪先生言之也議鹿門八家之說襲真西山讀書記中語雖非定論要為不失文章正宗後世遵之者弱特之者妄惟吾友于才太史掃羣弊而空之記敘用斂筆論辨用縱筆敘事或斂或縱相題為之而大槩超超空行總不落一凡字此其志也千載而下當有定論同徵老友杭世駿片

清江園文集卷之二

小倉山房

我讀隨園文太史之官徒紛紛四百年來作者存屈指
中郎多虎賁依傍門戶襲笑聲豈不皮傅但失真先生
棄官抱典墳胎息元氣藏精神靜觀萬物求其根樹時
竇流手把捫天結地構心吐吞我文之法如是云庶幾
成吾一家言百年數事代數人特筆傳志臣見聞達者
貴者功德尊卑者賤者志業勤孝義節烈困厄羣正氣
鬱鬱生苦辛端嚴疎密氣象陳旁見側出鬚眉白石渠
余曠遺伏願公爲存之待討論丞相卿尹大將軍削臚
論事開螺紋明體達用言可循利弊得失毫毛分規叩
止官直氣伸亦嚴亦婉理道醇君子受之迴怒曠取而
施行何其仁循吏指畫皆宜民用之廟堂風益淳文人

之文斯可焚讀書論世平反申一洗俗眼千年塵目言
序記別有遵緊嚴峭潔荆公倫辨才豪氣至此馴玩之
信然無跡痕天授此筆回千鈞輔以學識成彬彬染羽
屢入緇緇練絲沃露塗宿因角幹三液膠必均鮑人
治革緩急勻稍成讀之覺怕怕數易稿本誰策勳我望
海洋雖退奔字字暖我陽和溫我翁志節埋九原言行
完美憂終淪叩頭陳狀泪云云倘賜表著公之恩傷哉
賤子亦史臣乞因其子憐其親館後學蔣士銓題

古文凡例

一古文本無例也自杜征南有發凡起例之說後人因之例愈繁文愈散德州盧氏刊金石三例蒼崖止仲諸君所考甚詳亦不過引韓比歐依樣標的而已並無獨見然既已有之不可廢也否則口實者多故作凡例

一古人編集都無一定韓先襍著柳先論歐分四集是也倉山文彙編者悞以碑板居先後見顏魯公集亦然遂仍而不改

一碑傳標題應書本朝官爵昔人論之詳矣至行文處不可泥論或依古稱太守觀察牧令刺史等名或依俗稱制府藩司臬使等名考古大家皆有此例其從古稱

者如渾瑊以金吾衛大將軍扈駕而權文公碑稱公以
大司馬翼從奚陟薨贈禮部尚書而劉禹錫碑稱追贈
太宗伯宋子京馮侍講行狀稱大理寺爲廷尉平歐公
許平墓志稱經略爲大帥皆從古稱也以故歸震川張
元忠傳稱某知縣爲錢唐令洎南居士傳稱某知府爲
某太守其從俗稱者如李珣牛僧孺碑稱宋申錫貶郡
佐郡佐者唐時之司馬也韓文公鹽法條議稱院監巡
院院監巡院者唐時之度支使鹽池監也歐公桑澤傳
稱閣職閣職者宋時之六部架閣也伊川伯淳行狀稱
漕司漕司者宋時之發運使轉運使也皆從俗稱也以
故朱竹垞楊雍建傳稱總督爲制府施愚山袁業泗

稱按察使布政使爲藩臬兩司凡此在行文中不一而足至于權文公唐相也唐人宰相官名應書平章事同中書門下而韓公神道碑竟以故相二字標題沈瑩建安知縣也而震川墓志竟以建安尹三字標題宋知某縣事與知縣有京朝官之分非今之知縣也而竹垞蔣君墓志竟以知伏羌事標題是則古人率意處猶之史記標題忽稱魏公子忽稱平原君也未敢援以爲例一碑傳標題必書本朝地名亦昔人所論也然行文中亦難泥論歐公李公濟碑稱南昌曰豫章若以宋論當稱隆興震川王震傳稱震爲京兆尹若以明論當稱應天府尹湯文正施愚山墓志曰典試中州若以本朝

論當稱河南

一官名地名行文處隨俗用省字法考古大家俱有此例其序官用省字法者如昌黎劉昌裔碑應書檢校尚書左僕射云云而標題單摘統軍二字韓紳卿墓志應書錄事叅軍而序事只稱司錄君三字孔戣墓銘稱容桂二管一容州總管一桂州總管省却兩州字兩總管字又稱桂將裴行立容將楊旻亦省却州字總管都督字樣宋人文集中所稱三司三班一府二府者俱包括無數官名歐公劉先之墓志稱與州將爭公事及後將范公至云云亦猶今之稱前督稱後撫也以故施愚山李東園墓志稱督撫汪鈍翁郝公墓志稱司道稱參遊

稱撫提稱副左歸震川章永州墓志稱院司皆不稱全官

其序地名用省字法者如歐公伊仲宜銘稱歷知汝州之葉不稱葉縣鄭州之滎陽不稱滎陽縣東坡趙康靖公碑稱呂溱守徐蔡襄守泉趙小二寇廬壽王荆公王比部墓志稱願得蘇常問一官曾南豐錢純老墓志稱爲尉于秀姿鄧云云皆省却一州字以故歸震川李按察碑稱滇民乞留葉文莊公碑稱公在廣湯文正張尚書墓志稱楚撫先府君碑稱斌在虔聞之官名地名皆省却數字

一 本朝官行文書有不得不從俗者汪鈍翁乙邗才

傳取太守結狀以報人嫌結狀二字不典案昌黎鹽法議有脚價脚錢之稱歐公會致堯墓銘有支差添解之號陳琳檄吳將部曲文稱如詔律令任助彈劉整文稱充衆準雇皆結狀類也正宜從俗以存一朝文案

一非史臣不應爲人立傳昔人曾有此論然柳子厚引箋奏隸尚書以自解歸震川則直言古作楚國先賢傳襄陽耆舊傳者皆非蘭臺館閣之臣公羊穀梁亦未聞與左邱明同爲某國之史臣也此論出而紀事之例始寬

一黃梨洲言行狀爲請諡而作者不書子女及諡法爲請墓志而作者書之今請諡之狀久不行矣唐宋諸大

家行狀無不書婚娶及諡法者合從之

一滿洲姓氏與唐虞三代相同其冠首一字非其姓也

元許有壬作鎮海碑題曰右丞相怯烈公姚燧作博羅
驢碑題曰平章忙兀公集中亦倣此例閣峰尚書師健
中丞本富察氏故均書富察公雪村中丞本姓白故書
白公至若鄂尹兩文端公其冠首一字父子相承有類
于姓宜因其俗稱若測所由來尹祖居關外章佳地方
因以爲氏當稱章佳公然以標題猶可也若行文處稱
尹爲章佳公將舉世不知爲何人矣要知周公孔子亦
非本姓秦始皇本姓嬴生于趙遂姓趙以故方望溪佟
法海墓志稱法公未爲過也

一編古人已定之集，碑傳中貴賤男女可以以類相從。若自編其未竟之文，則先後撰成有不得不參錯互見者。

一古人文無圈點，方望溪先生以爲有之則筋節處易于省覽。按唐人劉守愚文冢銘云：有朱墨圍者疑卽圈點之濫觴，姑從之。

一古人無自梓其文者。梓集百卷，始于和凝，爲人所嗤。然唐以前文多傳鈔，非板而行之，可見古人文之不自梓。亦由風氣未開，非盡從謙也。慮門人子弟有所竄改，不得不自題論癡符之誦。第古書有卷無頁，故每篇皆連屬成文。今旣付之攻木之工矣，倘仍用古人編卷法，則

改一篇全篇皆動故各自爲篇亦用今法

一文章有餘意未盡者書之于後始于韓文公宋元人有自記之例蓋示人以行文繁簡之法也集中倣之凡未竟之意不入本文者別署紙尾

一集中議論文字有偶異先儒獨抒已見者拘士頗以爲驚恭讀 皇上 御批顏魯公祠堂記云今之學者一字一句與程朱不相似則引繩批根曰此異端也及考其行乃與流俗無異又曰今上智之士營咳偶異于聖人卽擯之不得爲吾徒而中才以下反可以口說得之則學問之道將淪胥以亡較不講學之時晦冥尤甚大哉 王言洵萬古讀書之準則也

後序

初先生以制舉文震海內後生小子爭摹倣句調以弋科名者如搦券取也惟穀芳爲童子時頗不以先生文爲然逮乾隆癸酉館金陵謁先生于隨園之小倉山房每談及時義卽歉然以少年刊布流傳爲悔而深以予之不然其文者爲知己于是驚歎先生之虛懷好學不可及而世之媚人之文以求知于人者其必爲先生之所唾棄也久矣時先生正以詩古文詞樹壇坫江南欲收致四方才俊士與之共商史漢文章之正統而外間科舉之說盛行徒知有先生之時文而已不知有古文也其或借先生爲聲援者亦徒知有先生之詩而已不

知有古文也而于舉世不知之時又惟毅芳知之最早而好之也爲尤篤卽毅芳之好古文而敢執筆以爲之也亦實因先生之教而後毅然不搖于俗見至于今蓋二十有一年矣然則先生之文集毅芳烏可以無言乎哉蓋嘗論文章之道有三曰理學之文曰經濟之文曰辭章之文所謂理學者非皮傳儒先空談性命亦非綴緝訓故注疏之瑣瑣者相考證已也其所謂經濟又不得以浮誕無寔坐而言不克起而行者當之至于辭章則亦必有物有序而誇富麗矜淹博者不與焉予觀古今以來其有兼三者而一之之人乎無有也乃今讀先生之集而知其爲信能兼之者矣疑者曰隨園之辭章

不必言經濟尙可于其吏治信之若目以理學毋乃阿

所好而失于誣乎予曰不然夫言必求肖于周程張朱

而后爲理學噫此世之所以多僞君子也隨園于同時

之講經而株守漢學

見與惠棟
論學書

講道而虛崇宋儒

見與
晁鏡

書

必爲文以闢之不遺餘力俾支離穿鑿迂濶無用之

學自呈其僞以不使濶吾學之真故其見于文者無一

字及于經而無非經之精華也無一字及于道而無非

道之充寔也誠諸中者形諸外噫夫豈可以襲而取與

故予因其文而審其爲人性情脫灑和而不流非卽周

茂叔之吟風弄月者乎早年高隱不慕榮進而又篤于

友誼不以窮通生死易心卽尹和靖之奉母終身蔡季

通之爲友遠謫何異焉凡此皆見于諸論著中讀者試
一一按而求之當知隨園之學與年俱進而德亦與年
俱劭者固非昔日所聞風流才子之隨園而真爲今日
兼理學經濟辭章而一之之隨園也然則予之言豈有
阿乎彼猶以爲阿者必前之徒知有先生制舉之文者
也不知先生者也不知文者也并不知予非媚人之文
以求知于人者也然則予之言亦惟先生知之而已宣
城宗後學穀芳

題辭

文章代興協元會道比姚姒承黃農屬辭比事肇青左
嗣有遷固昌其宗起衰八代賴韓子元和復振西京風

降及北宋祇數子落落泰華恒衡嵩厥後豈無著作手
繪畫不稱乾坤容帝恐人間久寥閭五百年後生我公
公年弱冠卽名世赫若旭日昇於東鞭霆馭風織雲錦
更繁混沌開鴻濛上清小謫出爲吏異績瑋屑傳吳儂
鳳凰來儀偶一見安可久集虞廷中名園奉母謝祿養
著書矻矻無春冬積累三十年富敵邱山隆先出駢體
文一掃徐庾空詩集別專行授梓尙未終獨將古文編
排分卷二十四寸心得失玉十年琢金千鎔賦本古文
詞冠首實類從體格用相如不與唐律同碑銘狀表及
傳誌義貴紀寔非褒崇如衡量物鏡取影國史徵信垂
無窮昌黎此體推第一尙恐諛墓難爲雄書則儷歐陽

纏綿罄深衷上規大府下勗友閭閭侃侃告以忠匡時
論古不忍默力挽元氣迴春融記序關掌故不涉小品
誇雕蟲論必歸太醇眉山雄辯猶虛鋒其餘雜著盡超
絕妙諦無上惟天通至哉原士篤治術首辟靡析弊到
秋毫鑄鼎稱神工何當懸此文上列於學宮百年樹人
得至計元愷復出襄時雍國初諸老事帖括健者聲律
兼磨礱汪朱獨治古文學已覺鸞鷟鳴梧桐體裁茂密
固闕瞻未免襏積由裁縫邇來學者知嗜古高挹賈鄭
思希蹤著文亦以訓詁濟陷陣欲假偏師攻茲文一出
正鵠定真面乃幸廬山逢我朝藝苑譬合樂諸子一器
公黃鐘卓然不朽冠一代公所自致天無功京江舊雨

懷蔣詡首先寄示煩郵筒賤子欵三徑驚怪騰白虹搜
覽得公文目懾光熊熊粲然新若手未觸意似不甚珍
璜琮攜之竟出不返顧荆州借得還無庸韓文舊本其
寶惜枕秘吾可驕蔡邕飢來一字不堪養賴挾此卷忘
殮饗佛燈將燼漏四鼓兀坐據案方呶喁颯然陰風忽
入戶雲霧晦冥驅靈僊徑恐六丁下搜取急誦萬遍藏
諸宵年家子萬應馨

小倉山房文集目錄

卷一 賦雜著

長沙弔賈誼賦

不繫舟賦

青山招主人賦

秋蘭賦

老而無子賦

山問

原士

子產不毀游廟頌

曹黃門先生像贊

朱栩贊

卜式司馬相如贊

東閣大學士張文和公像贊

儉戒

嚴蔽

釋名

釋官一篇送李晴江

卷二 神道碑

文華殿大學士太傅朱文端公神道碑

戶部尚書兩江總督高文良公神道碑

禮部尚書太子太傅楊公神道碑

刑部尚書富察公神道碑

光祿大夫禮部尚書王公神道碑

和碩簡親王碑

吏部侍郎魏公神道碑

卷三 神道碑

文華殿大學士尹文端公神道碑

武英殿大學士忠勤伯太保黃公神道碑

文淵閣大學士文靖公神道碑

廣西巡撫金公神道碑

湖北巡撫唐公神道碑

協辦大學士吏部尚書孫文定公神道碑

太子太師禮部尚書沈文愨公神道碑

江蘇巡撫徐公神道碑

太子少傅工部尚書裘文達公神道碑

直隸總督方敏恪公神道碑

卷四 墓志

左副都御史趙公墓志銘

海州州同王君墓志銘

光祿寺少卿楊公墓志銘

江寧典史高君墓志銘

安徽布政使李公墓志銘

霍邱縣知縣龔君墓志銘

太子少傅河南巡撫胡公墓志銘

徵士程綿莊先生墓志銘

高母丁太恭人墓志銘

李訥菴先生墓志銘

元和縣知縣吳君墓志銘

江寧南捕通判高公墓志銘

江蘇按察使李公墓志銘

浙江按察使李公墓表

郴州知州曾君墓表

吉安府知府王君墓志銘

虞東先生墓志銘

司經局洗馬繆公墓志銘

李晴江墓志銘

山東巡撫白公墓志銘

方綺亭先生墓志銘

范西屏墓志銘

吳省曾墓志銘

亡姑沈君夫人墓志銘

徐州府知府熊公墓志銘

禮部主客司郎中兼鴻臚寺少卿高公墓志銘

六合縣知縣潘君墓志銘

補蘿先生墓志銘

史先生墓志銘

侯夷門墓志銘

揚節婦墓志銘

大理寺卿鄧公夫人李夫人墓志銘

蔣太安人墓志銘

李母顧太恭人墓志銘

陸君妻顧氏墓志銘

曹母劉恭人墓志銘

鳳陽府同知高君墓志銘

卷六 傳

福建總督太子少保姚公傳

威信公岳大將軍傳

勇略將軍趙襄忠公傳

兩江總督于清端公傳

贈編修蔣公適園傳

高守村先生傳

常德府知府張公傳

戶部尚書張公傳

倉場侍郎蔣公傳

卷七傳

河道總督陳恪勤公傳

涓君小傳

直隸總督兵部尚書李敏達公傳

女弟素文傳

淮徐海道按察司副使莊復齋先生傳

蘇州府知府童公傳

程南耕先生傳

常孝子傳

寧國府知府莊公傳

江寧兩校官傳

大理寺卿鄧公傳

廚者王小余傳

石大夫傳

短人傳

卷八

行狀書事

武英殿大學士太傅鄂文端公行畧

光祿寺卿沈公行狀

記富察中丞四事

卷九

書事

書魯亮儕

書麻城獄

書潘荆山

李敏達公逸事

鄂文端公逸事

稗事二則

卷十序

王介祉詩序

送醫者韓生序

重修江寧縣志序

送望山相公入閣序

送陸明府入都序

西阪草堂圖詩序

聞茗厓竹洲詩鈔序

高文良公味和堂詩序

所知集序

陶氏宗譜序 代振聲作

張曰恆遺藁序

送許侯入都詩序

陶西圃詩序

虞東先生文集序

贈黃生序

史學例議序

爾陔堂詩序

從弟蕪齋詩序

卷十一 序跋

沈研圃太守送行詩序

女弟盈書閣遺藁序

送上元藍令牧邳州詩序

龔旭開詩序

送劉廣文入都序

東臯詩存序

裴中丞退思圖序

汪樸廬聖湖詩序

幽光集序

雨亭公子遺藁序

胡稚威駢體文序

蕭十洲西征錄序

葉書山庶子曰下艸序

萬柘坡詩集跋

南村唱和詩跋

野處堂遺藁跋

卷十二

記

篁村題壁記

隨園記

隨園後記

隨園三記

隨園四記

隨園五記

隨園六記

陶氏義莊碑記

戊子中秋記遊

西磧山莊記

卷十三記

安徽布政司新廨題名記

代許公作

醉嘯軒記

馬骨記

史公張秋治河記

俞氏義塚碑記

江寧府題名碑記

代陶公作

漁隱小圃記

記句容叟

江寧訓導廳壁記

江安十府糧道題名碑記代

卷十四 祭文哀詞諫

祭陶西圃文

祭莊滋圃中丞文

祭程元衡文

祭商寶意太守文

祭薛一瓢文

祭妹文

祭座主鄧遜齋先生文

周筠谿哀詞

韓甥哀詞

胡稚威哀詞

呂文光哀詞

趙舍人誄

卷十五

與從弟某論釋服作樂書

上兩江制府請停資送流民書

上陳撫軍辨保甲狀

答李穆堂先生問三禮書

答金震方先生問律例書

與是仲明書

覆兩江制府策公問興革事宜書

卷十六 書

與湖北巡撫莊公書

上兩江制府黃太保書

答陶觀察問乞病書

再答陶觀察書

答和觀察書

與吳令某論罰鍰書

答任生書

答衛大司空書

與孔南溪太守書

卷十七書

與清河朱觀察論繼嗣正名書

答蔣信夫論喪娶書

與江蘇巡撫莊公書

答沈大宗伯論詩書

答沈大宗伯第二書

答施蘭垞論詩書

答施蘭垞第二書

與盧轉運書

與袁蕙纘書

代劉景福上尹制府書

答某山人書

再答某山人書

代潘學士答雷舉庭祭酒書

卷十八

書

答程魚門書

與某刺史書

答門生王禮圻問作令書

答惠定宇書

答定宇第二書

答滋圃中丞論推命書

答某明府書

答蔣茗生書

卷十九書

慰王麓園喪子書

與楊生書

答戴敬咸書

答尹相國書

與邵厚菴太守論杜茶村文書

答友人某論文書

答友人論文第二書

答友人論文第三書

與薛壽魚書

答某生書

與朱竹君學士書

答朱竹君學士書

答尹似村書

再答似村書

與程菴園書

再與菴園書

答洪華峯書

答彭尺木進士書

再答彭尺木進士書

答洪稚存書

卷二十論

公生明論

佛者九流之一家論

劉後主可比齊桓論

荆軻書盜論

駁侯朝宗于謙論

魏徵論

魯肅論

高帝論

宋論

郭巨論

張巡殺妾論

徐有功論

卷二十一 論議

高歡字文泰論

張良有儒者氣象論

駁唐鑑李德裕論

姚崇宋璟論

宋儒論

駁公羊氏宋宣公議

駁蘇子屈到嗜芝議

書院議

卷二十二 說辨疑

愛物說

牡丹說

清說

玩古者說三篇

黃生借書說

後山師表辨

金縢辨上

金縢辨下

六宮辨

征苗疑

卷二十三

書後

書鄂人對後

書王荊公文集後

書權文公邗都論後

書柳子封建論後

再書柳子封建論後

書唐介傳後

書復性書後

書留侯傳後

書宋均傳後

書顧覲之傳後

書王文正韓魏公遺事後

書鄒浩傳後

書通鑑溫公唐維州論後

讀賈子

讀左傳

讀喪禮或問

讀孟子

書柳子天說後

書崔實政論後

書戾太子傳後

書韓子琴操後

卷二十四

銘策問解

鏤硯銘

斧硯銘

朴硯銘

師恩硯銘

鐘硯銘

鏡硯銘

方硯銘

漢硯銘

貨布硯銘

井田硯銘

竹節杖銘

方竹杖銘

都盛盤銘

策秀才文五道

論語解四篇

續

卷二十五

賦神道碑墓志

坐觀垂釣賦

笑賦

刑部尚書加贈太傅錢文端公神道碑

原任浙江巡撫盧公神道碑

經筵講官兵部尚書彭公神道碑

原任湖北巡撫太常寺少卿程公墓志銘

廣東雷瓊道按察使司副使金公墓志銘

誥授通議大夫陝西按察使秦公墓志銘

原任禮部侍郎齊公墓志銘

中憲大夫分巡廣東肇羅道衛公墓志銘

巡視臺灣御史李公墓志銘

翰林院編修蔣公墓志銘

卷二十六 墓志

大定府知府張君墓志銘

常德府知府呂君墓志銘

翰林院檢討李君墓志銘

巴里坤中軍遊擊劉君墓志銘

幔亭周君墓志銘

童二樹先生墓志銘

阜寧貢士戴君墓志銘

郡文學項君莘甫墓志銘

翰林院編修程君魚門墓志銘

錢太恭人墓志銘

袁母韓孺人墓志銘
福建布政使錢公墓志銘

卷二十七 傳行狀書事

內閣學士原任直隸總督臨川李公傳

文淵閣大學士太倉王公傳

東閣大學士陳文恭公傳

施秉縣知縣蔡君傳

雪溪李先生傳

李孝子傳

松潘鎮總兵宋公傳

先妣章太孺人行狀

書馬僧

書朱山

書悔軒觀察五事

卷二十八 序跋

錢璵沙先生詩序

趙雲松甌北集序

蔣心餘藏園詩序

碧腴齋詩鈔序

錢竹初詩序

童二樹詩序

何南園詩序

莊念農遺稿序

程綿莊詩說序

玉井壑蓮集序

隨園隨筆序

子不語序

隨園食單序

嚴道甫侍讀五十壽序

胡勿厓時文序

史閣部遺集跋

德山公手書詩卷跋

卷二十九

記祭文

所好軒記

散書記

散書後記

洞庭徐氏重修始祖吉卿公墓碑記

銅陵永濟橋記

榆莊記

重修南捕通判廳壁記

代香亭作

重修中和道院碑記

遊仙都峯記

遊黃龍山記

浙西三瀑布記

遊黃山記

遊廬山黃厓遇雨記

遊丹霞記

峽江寺飛泉亭記

遊桂林諸山記

遊端州寶月臺記

遊武夷山記

祭孔南溪方伯文

祭李竹溪文

祭尹相國夫人文

卷三十

書書後

與程叢園書

荅叢園論詩書

荅平遥海書

荅沈省堂觀察書

與楊峙塘書

書呂夷簡傳後

書大學補傳後

書陸游傳後

書茅氏八家文選

讀左傳國策

讀胡忠簡公傳

卷三十一

湖南巡撫陸公神道碑

董太恭人墓志銘

廣東惠州府知府李君墓志銘

周君少霞墓志銘

誥授奉政大夫湖廣道監察御史蔣公墓志銘

林君毅菴墓志銘

弟婦陳恭人墓表

原任江寧布政使內務府總管永公傳

江西督糧道省堂沈公傳

候選郎中成君衛宗傳

黃君蓉江傳

陳烈婦傳

俞蒼石詩序

何南園詩選後序

陶怡雲詩序

重遊泮陽圖記

康方伯雁南泊河記

與稚存論詩書

書楊鏡村

書汪壑庵

杖銘

竹杖銘

藜杖銘

灌木杖銘

木拐銘

卷三十二

墓志銘

神道碑

海州知州何君墓志銘

誥授資政大夫兵部右侍郎抑堂史公墓志銘

永昌府龍陵同知金公墓志銘

淮徐營遊擊加贈文林郎田公墓志銘

誥封光祿大夫奉宸院卿布政使江公墓志銘

太子太師文淵閣大學士錫山嵇文恭公墓志銘

蘇州府知府楊公墓志銘

燕湖兵備道張公墓志銘

江防同知倪君帝培墓志銘

金織織女士墓志銘 封公胡葆憲先生墓志銘

徐君星標墓志銘

太子太保文淵閣大學士封一等公孫公神道碑

卷三十三傳

吏部尙書東河總督顧公傳

領侍衛內大臣撫遠大將軍費襄壯公傳

文華殿大學士領侍衛內大臣來文端公傳

內務府總管丁文恪公傳

浙江督糧道金公傳

吏部侍郎留松喬先生傳

禮部尙書姚公傳

方君柯亭傳

卷三十四傳

帆山子傳

蘇州管糧同知曾公傳

禮部侍郎海住金公傳

邛州知州楊君笠湖傳

吳縣文學蔡君勉旃傳

九江府同知汪君傳

汪存樸先生傳

鮑竹溪先生傳

三賢合傳

香山同知彭君小傳

慶遠府知府印公傳

徐靈胎先生傳

卷三十五

書後

書

序

記

哀辭

祭文

畫秦檜傳後

書張郎湖泉使逸事

與孫備之秀才書

與備之秀才第二書

答淮關樞使劉公書

答倪春岩刺史書

楊文叔先生文集序

汪心農試硯齋記

近文齋記

韓生哀辭

祭徐心梅秀才文

答汪大紳書

答戈小蓮書

本齋山房文集卷一

江左王友光曾觀

錢唐袁枚子才

長沙弔賈誼賦

歲在丙辰子春秋二十有一於役粵西路出長沙感賈
生之弔屈平也亦爲文以弔賈生其詞曰何蒼蒼者之
不自珍其靈氣兮代紛紛而俊英前者旣不用而流亡
今後者又不用而挺生惟吾夫子之於君臣兮淚如秋
霖而不可止前旣哭其始安兮後又哭其愛子爲人臣
而竭其忠兮爲人師而殉之以死君固黃農虞夏之故
人兮行宛曼于先王不知漢家之自有制度兮乃嚶嚶
然一則曰禮樂二則曰明堂夫固要君以堯舜兮豈知

其謙讓而猶未遑彼絳灌之黻黻兮召儒生而恒東向
見夫子而吠所怪兮以弱冠而氣凌其上曰丁我躬而
未諧夫人世兮未免負孤姿而抱絕狀當七國之妖氛
將發兮彼社稷臣無一語徒申申其排余兮余又見木
索。箠。笞。而。憐。汝。蓀。兩。愛。而。莫。知。所。爲。兮。終。不。知。千。古。之
孰。爲。龍。而。孰。爲。鼠。彼。俗。儒。之。寡。識。兮。謂。宜。交。驩。夫。要。津
使。說。遇。而。獲。獸。兮。吾。又。恐。孟。軻。之。笑。人。聖。賢。每。汝。汝。而
蹇。屯。兮。歷。萬。祀。而。不。知。其。故。也。吾。獨。悲。吾。夫。子。兮。爲。其
知。而。不。遇。也。明。珠。耀。於。懷。袖。兮。忽。中。道。而。置。之。淑。女。歡
於。象。席。兮。媵。妣。譎。而。棄。之。夫。旣。干。將。之。出。匣。兮。胡。不。淬
清。水。而。試。之。蒙。召。見。於。宣。室。兮。泣。鬼。神。於。前。席。蓀。拳。

而托長沙王兮終不忍使先生之獨受此卑濕欲嘉遜
乎山椒兮感君王之恩重圖効忠於晚節兮鵬鳥又知
而來送已之薄命固甘心兮又累梁王而使之翻鞋傷
爲傅之無狀兮自賢人之忠愛也三十三而化去兮恐
終非哭泣之爲害也彼顏淵之樂道兮亦時命之不长
賢者不忍其言之驗兮宜其身先七國而亡悞鳳凰爲
鷓鴣兮覽德輝而竟去駟玉虬以上升兮知九州之不
可以久駐逝者旣蕭曼以雲征兮名獨留乎此處亂曰
瀟湘之春水浩浩兮有美一人涉遠道兮忽見芳草生
君之廟兮咨嗟涕洟感年少兮

不繫舟賦 有序

望山尚書再莅兩江之四年政行化和風物恬美暑
之西小園夾池屋形如舟公葺其舊而顏之曰不繫
夫舟之義取乎濟川其繫與否非舟之所能自爲也
昔人稱謝太傅功高百辟心在一邱公之謂矣枚宰
江寧從公遊而賦焉其辭曰

渺三山之在望登一室之如舟水搖光于博壁月照影
于承霜。影影兮簾卷庭冉冉兮雲留。偶掘衣于綠野
恍遺世于丹邱。步入而雙鳧欲化首欲回而四顧難
休。雨乃八達崇期三楹藻梲半榻中。儻一琴旁列但栽
薄媚之花畧綴飛來之石。雖不泊於江湖儼橫陳而待

涉。體。靜。而。櫓。槳。無。聲。心。虛。而。波。濤。不。入。右。則。斷。橋。鳴。時。
小。渚。霜。清。望。舒。涼。室。錦。淙。烟。庭。靈。瓊。繫。停。而。霧。掩。重。楹。
屈。筇。以。天。成。左。則。牟。首。斜。臨。康。圭。遙。踞。宜。啟。背。以。納。涼。
可。倚。襟。而。拾。絮。高。軒。象。君。子。之。懷。踈。落。得。野。人。之。趣。墻。
低。則。遠。景。皆。收。樹。老。則。斜。陽。不。去。當。夫。夏。始。春。餘。非。欄。
石。畔。竹。密。晝。陰。艸。多。蛙。亂。鳥。應。節。以。聲。移。葉。辭。條。而。律。
換。唯。茲。舟。之。隆。然。偃。長。虹。于。天。半。不。因。急。雨。以。回。帆。不。
逐。浮。萍。而。傍。岸。篙。工。欲。撼。以。難。搖。錦。纜。將。牽。而。未。斷。洵。
足。以。解。巾。遐。矚。退。食。澄。懷。意。行。緩。帶。小。憇。流。杯。坐。繞。芝。
蘭。之。契。手。栽。桃。李。之。材。觀。籬。落。而。心。殷。稼。聽。波。聲。而。
夢。繞。黃。淮。畫。戟。香。而。空。堦。花。墮。牙。旗。颺。而。水。面。風。來。燕。

而事本無常舟原不繫星且移宮泉非擇地攬物化之
推遷歎人生之如寄朝雖托乎中流夕不知其所至當
前之峯影常青此後之琴音孰繼鼓沙棠之楫豈料重
登賦苦葉之匏還期共濟舟之泊也共萬物以安恬舟
之行也聽江風之位置何況傍舟之草附舟之蟲本乘
泖之賤質涉宦海之飄蓬攀慈航而難再空揭厲於波
中其能無挽紉纏而咏志託雲物以歌風也哉

青山招主人賦 有序

余去隨園一載辛未閏五復來棲遲見石留無穢屋
宇黥剝書史十蠹七八嘆人可離園而園不可離人
憮然久之時家居四紀餘祿蕩然故人戚里有以仕
易農之勸余又懼茲園之不能久居也乃托爲青山
招主人之賦以自訟而自尤焉其辭曰

主人去兮胡不歸寧不見山中之突夏蒙菜廂以蚰蟻
主人歸兮胡欲行寧不聞山中之猿鶴將馳檄於烟庭
憶峩峩兮空谷跨兩龍兮抵伏河雖鬢兮無梁茅誰鬻
兮無屋忽婉倂兮馳象輪馬沛艾兮來夫君召觚俞兮
測風呼謳癸兮執矩藻兼爲之運斤兮獲人爲之削楮

極承塵。搏壁之詭文。回波兮復單。極落時之虜風。而攬
雨。君欲採兮。果在林。君欲釣兮。魚在渚。君欲觀大江之
波濤兮。吾則聳噴峰而高舉。君欲吸九霄之沆瀣兮。吾
則吐朝霞而待取。此豈不足于君所兮。胡長行而踽踽。
自容秋之騰裝兮。車惇惇而東去。山鬼喜而聳耳兮。白
鹿愁而局顧。予能忍而終古兮。恐美人之遲暮也。世翻
覆而興雲雨兮。余青青其如故也。百花兮春陽滿山兮。
巖粧盼夫君兮。不見極思心兮。偃偃書廡陳兮。千束待
君兮。悅目君繙衍兮。無時走白蟬兮。不于選然兮。稅駕
山之壘兮。如雲老槐起而守宮兮。薇蕨搖而掃塵危石。
犖确以挺其去路兮。山荷巾巾而誓君曰。宣聖之皇皇。

今。年。七。十。而。返。尼。山。使。哲。人。而。無。此。年。今。何。六。經。之。能。
刪。陶。潛。之。掛。冠。今。知。食。祿。之。不。如。飲。酒。使。五。柳。之。早。植。
今。寧。不。多。飲。乎。一。斗。彼。歸。妹。之。翩翩。今。可。筮。於。有。黃。將。
推。車。之。蟬。攫。今。保。無。厭。迨。于。康。莊。誰。轉。啟。以。相。召。今。忽。
許。由。之。瓢。動。寧。陝。輪。其。營。魂。今。乃。尹。氏。之。多。夢。使。果。伊。
優。與。世。利。今。余。胡。傷。傷。以。強。留。恐。素。襟。清。尚。之。倏。然。今。
何。能。夸。毗。以。體。柔。欲。蘇。世。而。居。正。今。鞘。沂。竟。一。發。而。難。
收。忍。所。惡。而。甘。就。今。舍。所。愛。而。他。求。謝。元。祺。之。初。志。今。
聊。頽。光。之。西。流。及。少。壯。之。不。登。臨。今。老。敦。率。而。何。以。上。
高。邱。君。欲。知。余。之。不。忍。別。今。請。聽。此。鳴。鳥。之。啁。啾。

秋蘭賦

秋林空兮百艸逝。若有香兮林中至。旣蕭曼以襲裾。復
氤氳而繞鼻。雖脉脉兮遙聞。覺熏熏然獨異。子心訝焉
是乃芳蘭。開非其時。寧不知寒於焉。步蘭陔。循蘭池。披
條數萼。凝目尋之。果然蘭言稱某在斯。業經半謝。尚挺
全枝。啼露眼。以有待喜采者之來。遲苟不因風而振觸。
雖幽人其猶未知。于是昇之齋。置之明牕。朝焉與對
夕焉。與雙慮。其霜厚葉薄。黨孤香瘦。風影外。逼寒心內。
疾乃復。玉儿安置。金屏掩覆。雖出入之餘。閒必褰簾而
三嗅。誰知朶止。七花開。竟百日晚景後。凋含章貞吉。露
以冷而未晞。莖以勁而難折。瓣以斂而壽永。香以淡而

味逸商飈爲之損。威涼月爲之增。色留一穗之靈。長慰
平生之蕭瑟。予不覺神心佈覆。深情容與。析佩表潔。浴
湯孤處。倚空谷以流思。靜風琴而不語。歌曰。秋雁回空。
秋江停波。蘭獨不然。芬芳彌多。秋兮。秋兮。將如蘭何。

老而無子賦 有序

余與魚門舍人齊年交好俱五十無兒聞其小妻獲
雄爲之心開乃今秋書來又已鳧歿揆其心志悼恹
可知乃託爲元白相慰之言作賦寄之用廣其意亦
聊以自解云爾

白太傅龜兒不存楊枝遣嫁病染風痺不怡中夜廬山
之佛殿藏詩海上之仙龕待駕乃喟然而嘆曰謂地至
厚謂天至仁惟混元之不處運萬物而相因是故青曾
黃頽綿綿無垠元蟲剛須息息洪鈞蛾猶術子竹且生
孫何況至咳者姓至貴者人竇夸遺種莊說傳薪小者
肯播肯構大者爲鳳爲麟且莫言恩澤之侯百世箕裘

之學于春。但使此。惟主器。童昏應門。亦足逐主喪之里。
尹而安。登屋之游。覓騎我何人。儼然孤獨。免乳者。殤將
媿者。殯雞林。則萬首流傳。犬子則一雄未卜。有九服之
英名。無半行之骨肉。爾乃石樽客散。琴臺雨濛。半欄斜
炤。一个衰翁。意料。堪其若。失覓充充。如有窮齊國。乏負
床之顛。趙家斷炊火之宗。一髮之懸崖。太險。千年之得
姓。將終耳。羨梁間乳燕。慈烏之語。心驚身後。梨花寒食
之風。未病而巖。墻生乎。四體非雲。而孤影蕩于空中。况
復池北樓臺。池西書庫。彝鼎鱗列。牙籤雲布。白樸百篇
青箱十部。莫不物物心裁。絲絲手護。甲乙丹黃。研朱滴
露。董安子之墻壁。半煉蒿銅。晏平仲之房楹。深藏竹

問。交。替。與。何。人。儼。橫。陳。于。道。路。于。是。愛。先。生。者。代。爲。禱。
祝。而。望。商。瞿。之。得。晚。息。焉。憎。先。生。者。嘲。怪。荒。侯。而。疑。展。
氏。之。有。隱。慝。焉。元。相。公。聞。而。笑。曰。是。何。以。造。物。爲。拘。拘。
而。不。証。之。詩。書。耶。夫。侯。龜。四。兆。神。理。萬。殊。箕。疇。五。福。子。
嗣。本。無。宣。尼。大。聖。早。喪。伯。魚。齊。桓。公。有。子。六。人。而。幹。掩。
揚。門。之。扇。田。成。子。有。子。七。十。而。身。爲。寄。殺。之。徒。懸。隸。轉。
尸。功。臣。隱。痛。練。裙。葛。帳。名。士。嗟。吁。是。故。賢。夸。羸。博。之。札。
蓬。稱。東。門。之。吳。曾。怒。西。河。之。泣。孔。辭。顏。路。之。車。彼。夸。語。
兒。之。鄉。而。登。望。子。之。臺。者。盍。亦。鑒。于。斯。乎。且。莫。言。子。不。
孝。則。如。龍。欄。氏。之。忘。情。子。不。祭。則。如。公。索。氏。之。亡。牲。就。
使。惠。種。非。狂。胞。衣。盡。紫。高。陽。八。才。姜。支。三。趾。亦。勢。必。暮。

授經書朝布筵。凡女聘姬姜。師延崔李。餽舍不足。犢舐
無已。振振殷殷。孳孳妮妮。猶恐縱婦勃谿。請翁軟抵。責
善不祥。冠笄非禮。教諄則頭觸屏風。視病則竟夕十起。
俟婚嫁之將畢。亦人生之已矣。故曰爲人作父。非易居
之名。買奴得翁。亦偶然之理。又安得如此日之從容。暮
景孤吟。青霞攬羊。不懼尻背。無譁帶益。三副禾呼。百車
雖在世。而出世視。有家如無家。投懷者明月趨庭者落
花承權者猿鳥繞膝者桑麻爲樂不憂兒輩覺放言不
驚長者差施半菽則戚里拜德捨一宅則佛子矜夸無
後爲名二婢夾我而非罪有官不仕一月不醒而何嗟
靜言思之老而無子福耶非耶而况心靜思精身閒學

廣述作非凡知音必賞安知後世不鑄范蠡之金他邢
不畫朱穆之像宗我學者卽兒孫傳我文者皆族黨又
何必爲孺子牛負阿侯襍雍樹嬰媿懸弧擾攘盜委順
于兩儀奪真珠而在掌夫然後謂之有子哉太傅聽猶
未畢心曠神全如逃禪而悟徹如御風而登仙重開玉
甃再理冰絃子來不拒子去不憐終日陶然改字樂天

山間

隨園先生倉山結隣住一十有一載年方四旬山神怪
之不能無言乃面先生而問曰余託體爲山與混沌俱
所見隱士百千萬餘如先生者與人人殊山實惑焉願
布區區昔巢由之號稱首隱也吾見其蓬累而行耦俱
無猜心忘類類與天往來先生則早登金門身踐玉堂
臨岐矩步指會規翔撤金蓮爲婚燭含鷄舌作星郎夫
豈蒲衣石戶之徜徉者乎其次鴟夷泛舟赤松辟穀蜀
市青盲東海黃鵠是有所託而龍蟠非無所爲而雌伏
先生又治比吳公表薦葛龔吏澤如春民望如風聽琴
者願展伯牙之指觀射者思彎飛衛之弓譬如四時之

序方春方夏而並非秋冬之成功再其次原憲以甕牖
語人於陵則谿刻自處瞿鏘披裘東郭織屨爲聾唯筋
因瘖守閤避苑就枯索居孤露或能薄而閉關或足蹙
而却步先生又輒錄其躬斧藻其德髮若植竿瞳如點
漆音響過雲眉間容尺山立時行揚休玉色誦東方之
四十萬言奪戴憑之五十餘席可以坐而謀起而決備
君子之九能傲明廷之三揖是又非熒魂曠枯冥行坎
窞者之所能髣髴是以後乎先生者方且縹纓天闕持
衡要津賦項亥跖魁群冠偷竊杜餘之文資其解褐疑
蘇秦之名原是古人前乎先生者方且豨膏棘軸赴選
里鄉懸顏榻鼻儼仆巖廊希飛垂之弋獲忘日暮而

長先生胡爲乎有冠不彈無雪早臥髮長心短退勇進
情雉膏不食匏瓜空大袖巧手而看拙匠之傷沉慈航
而闕千帆之過秋蛇赴穴竟失其節雄雞司晨不鳴何
聞曷不就明夷之占吉而答玉女之洪鈞乎先生曰若
山神所言可以語下未可以語上也徒論其理未曉其
象也則獨不見夫麋鹿乎厥角巖巖野心濯濯騎之者
身顛牽之者足躅此石隱之流非我也又不見夫舞象
乎黃幘而蹲戴寶而朝一浴之外無時逍遙此朱紱之
困非我也惟夫馱馱蒲梢駮耳駮駮對天長嘶顧影自
豪非不知近爆梁和鑿鑿非不能登天閑舞簫韶然其
所愛者則在乎渥洼之水黃池之沙崑崙洗鬣瑤臺銜

花固不能久。翫乎芻豆而羈紲。夫王家余實慕之。是耶非耶。且夫君子之立身也。才欲其大。志欲其小。能欲其多。事欲其少。故名成而身樂。心安而境好。其處世也。居前必令人輕。居後必令人軒。故湖上不賣魚。山中不鬻薪。當今茭醜舜醜。夔拊龍言。禮明樂備。雲動雷屯。家家鶴膝。處處瑤琨。來未必有我。去未必無人。不少北山南仲。戴星鞅掌。只少康衢華封鼓。棊擊壤。不少槩人伎曲。需項漸襟。只少執鍼司草。治粟縫衽。與其搏幣扶翼。知壽布肘。曷若勇夫重閉。聖人不手。與其王孫自厲。執鐸將振。曷若中年病忘。養空而游。我是以立身乎。黠癡之半。食飲乎。清濁之間。神劍小割。慶雲偶鮮。董父一蘇。而

不。上。卞。彬。十。擲。而。仍。楚。周。鼎。著。僮。而。斲。其。指。楚。焯。改。卜。
而。全。其。天。竹。素。供。奉。烟。雲。周。旋。逢。衣。淺。帶。糟。邱。老。焉。是。
既。不。愧。夫。鵠。鷗。之。宿。智。而。亦。何。愁。乎。胡。老。之。華。顛。至。於。
沒。世。無。稱。君。子。所。恥。是。有。命。焉。何。病。乎。已。且。夏。四。百。年。
商。六。百。年。豈。無。其。人。自。健。自。賢。卒。皆。爲。而。無。考。事。而。無。
傳。我。獨。何。人。而。獨。樵。然。山。神。聞。之。冰。襟。而。出。踞。觚。而。歌。
曰。山。之。高。不。如。子。之。超。山。之。靈。不。如。子。之。明。將。子。毋。悶。
吾。失。吾。問。收。雲。反。風。請。與。子。終。

原士

士少則天下治何也天下先有農工商後有士農登穀
工製器商通有無此三民者皆養士者也所謂士者不
能養三民兼不能自養者也然則士何事曰尚志志之
所存及物甚緩而其果志仁義與否又不比穀也器也
貨之有無也可考而知也然則何以重士曰此三民者
非公卿大夫不治公卿大夫非士莫爲惟其將爲公卿
大夫以治此三民也則一人可以治千萬人而士不可
少正不可多舜有五臣武王有亂臣十人豈多乎哉雖
然其所以教之者則甚多矣古者黨有庠家有塾國有
學春夏學詩書秋冬學羽籥又有三物六行六藝之名

又有移郊移遂東棘西寄之法天下人知士如此其難
爲也爲士者如此其不苟也于是農者安農工商者安
工商相與登穀製器通化居以事其上而僥倖與逸游
者無有焉士既少故教之易成祿之易厚而用之亦易
當也後世不然凡古所以教士者一切皆廢而所以取
士者又寬而易售讀四子書習一經皆曰士其四子書
與一經又不必甚通也稍涉焉亦皆曰士既曰士皆可
以爲公卿大夫十室之邑儒衣冠者數千在學者亦數
百天下人見士如此其易爲也爲公卿大夫又如此其
不難也于是才僅任農工商者爲士矣或且不堪農工
商者亦爲士矣既爲士則皆四體不勤五穀不分而妄

冀公卿大夫冀而得居之不疑冀而不得轉生嫉妬造
謗誹而怨上之不我知上之人見其然也又以為天下
本無士而視士愈輕士乃益困嗟乎天下非無士也似
士非士者襍之而有士如無士也然則士何自而少曰
廣索之而嚴取之天之生才不必一類而其真者皆不
甚多如五金然皆適于用合沙礫而渾之金銀猶多汰
沙礫而擇之銅鐵且少然則慮其遺賢奈何曰與其倖
進毋寧遺賢賢者今歲遺之明歲未必遺也惟有倖而
進者既進之以為公卿大夫矣公卿大夫皆任取士之
責者也以彼其才取彼其類夫然後倖倖相承而賢乃
愈遺然則詩歌濟濟多士何歟曰惟其少也故夸多而

艷稱之以見周室人才之盛如祝堯之多福多壽多男子以福壽男子皆不易得故也使盡人而可得亦奚以祝爲子閔士之太多而失先王所以治世之意作原士

周末士多故秦散三千金而天下之士相與鬪漢末士多故頌王莽功德者四十二萬人宋末士多故淳熙景德間三學之權與宰相抗史嵩之丁大全等皆畏之及賈似道作相加以餐錢而上書者卽稱賈爲周公召公士習之陋一至于此皆多之故也不知漢盛時每郡戶口十萬裁舉孝廉一人吳公所薦止賈生一人文翁所遺張叔等亦不過十餘人善養生者不在多也唐設八十一科未見過襍鄙意法溫公十科取士而參以舒元與一議其庶乎自記

子產不毀游廟頌

奕奕游廟南道而居將塋簡公黼荒難驅繼爲火社馬
更契需蕪除蒐除豈子產私歟當官而行毀之毅如乃
有太叔操具而立似毀不毀探刺顏色冀危得之毋乃
用術子產過時有辟其容問不毀故感動于中顧曰舍
之以妥其宗一之已甚太叔乃再恃巧干仁愚者亦怪
子產不然稱心而待寧墮彼術以行吾愛嗚呼子產隆
赫嚴明凶人必殺刑書必成火焚不動龍鬪不驚乃至
毀廟肫肫其情爲國教孝匪已求名展如之人孔子所
敬執國之法順人之性其死也哀其生也慶借頌爲箴
今之從政

曹黃門先生像贊

倏然之容義然之狀想見峩冠立金階上惟

聖人建極四門首闢公逢其時爲邦司直奮筆奮舌

屹矜矜吾以吾鳴匪詭隨是爭惟大猷是經

帝爲傾耳畧見施行未竟其用左遷奪俸如華堂撓棟

如朝陽喪鳳人皆爲桐枚曰不然苟于世有補徐樂一

書已足千古而况公文有集如許

朱栩贊

漢有朱栩爲董賢吏賢既保尸栩獨收視犯莽有禍莖
董無名栩豈不知而捐其生栩曰不然吾行吾情聖卿
雖佞媿媿可矜巨君作賊篡漢有形哀賢毒莽識所重
輕借曰私恩愈見至誠嗚呼世人惟勢是附竇其翟公
客所景慕勢盛勢衰客來客去來時何恩從從馳騫去
時何仇悠悠陌路但有避趨而無好惡奚况于賢伊誰
肯赴栩之所爲義同樂布班史大書子浮隆隆當建武
時爲大司空惟人至庸惟天至公嗚呼世人鑒此高風

卜式司馬相如贊

易曰知幾其神乎幾者一人知之衆人不知也衆人不
知則雖千百世後亦不知當日之能知之者爲何人也
而其人旣已知之矣見幾而作矣則所存乎史冊間者
不過其迹而已推其迹以得其心吾于卜式司馬相如
有獨契焉當武帝時中國耗矣帝之雄心未已此楊可
告緝之事所必有者也法網密矣帝之猜心未已此淮
南賓客之誅所必有者也卜式知家財之難保而先輸
之于官卽陳平之裸而刺船也相如知仕宦之難爲而
愛閒多病卽子房之善藏其用也帝知其無可告之緝
則轉以黃金賜之知其有未盡之才則且于遺稿求之

似。要。福。也。而。不。知。其。避。禍。似。避。禍。也。而。不。知。其。要。福。以。武。帝。之。雄。猜。落。兩。人。度。內。而。不。悟。而。其。忠。愛。之。心。持。正。之。氣。則。未。嘗。不。一。白。于。朝。廷。又。能。各。因。其。分。以。立。言。而。仍。不。蹈。批。鱗。之。忌。式。官。已。尊。寵。已。固。故。有。烹。宏。羊。天。乃。兩。之。言。何。其。犯。也。相。如。官。尚。卑。資。尚。淺。故。僅。有。諫。獵。之。章。奏。雅。之。賦。何。其。婉。也。嗟。乎。使。式。戀。其。財。而。不。獻。必。爲。郭。解。之。徒。而。相。如。仕。宦。不。止。又。安。知。不。爲。壽。王。主。父。之。續。乎。讀。史。至。此。爲。發。其。覆。而。又。笑。世。之。鄙。卜。式。而。薄。相。如。者。真。淺。士。矣。故。爲。之。贊。其。詞。曰。

天。之。生。才。代。不。絕。賢。何。建。元。五。十。四。年。而。竟。寂。然。此。如。驕。陽。當。天。百。草。萎。焉。或。陷。于。法。或。遯。乎。田。陷。法。遯。田。名。

皆不宣一式一長卿獨察機先毀家家存病身身全一
信乎君而以危言讜論著一忘乎世而以高文典冊傳
較之汲生之戀曼倩之仙竟別開一徑而無愧色于其
間嗚呼欲知人先論世如二公如其智如其智

東閣大學士張文和公像贊

公名允隨原任雲南總督

昔有義叔分宅南交平訛敬致克襄帝堯穆穆張公繼
義而作秉圭卅年不離南服維彼滇南實開新疆歷漢
晉唐高山始荒驅鷹作鳩牧狼爲羊疇是剝莠而不叛
亢急之挺矣緩之梗矣萬洞驛騷兵在頸矣公來至止
勿弛勿震勗帥以威參和以仁如古黔羸手麥混敦如
古夷隸與鳥獸言鉢昭通路五百餘里俾彼鋒車周道
如砥鍬金沙灘百有三十俾彼方舟安行枕席旣菴杜
松九施土平旣艾與艸靡穀不登張立駢牢胥疏帶粥
商旅僑然駢肩登穀侏侏有苗金環花衣夷歌僭佻媚
於侯蠶狂狂荒服罔敢寇災嬰瓌盪琫于其來地不

愛寶五金空湧鈎考裏蹠鞭笞桑孔赤劔既鑄如泉環
流入省輪銅歲省萬牛經算姦極不可計籌天子曰
咨卿寶元功可坐論道以相朕躬六十却殿二肆歌鐘
與卿樂之其風雍雍公拜殿上民泣滇中朝有聖相滇
無神公五期三名未竟其施遽殞旗翼而乘雲螭于人
未嗟于公無惱如此哀榮得歸亦好巍巍遺像琛版星
冠盱衡振色泰表戴于華嶽立隼高梧翔鸞望而氣肅
對之神寒公第五子與枚通書命作贊語以永終譽枚
無金管敢寫凌烟再拜稽首做班孟堅寸莛鐘撞撮土
河填匪質時賢質公在天

儉戒

某尚書撫浙以儉率下過三元坊見丐者妻紅絨襦簪花立而目公公命將某婦詣轅前騶擁之去丐者故新娶也號泣從之伺轅三日探刺不得信乃棄其屋并其妻之屋得二十金賄中軍中軍爲之請公笑曰吾幾忘引婦之中庭而高呼夫人婦慙視俄而有蓬首持畚衣七纓之布從竈觚來者曰此夫人也已公立婦而訓之曰夫人封一品服飾如是汝家丐者而若是華粧行見飢寒之將至矣吾召汝者以身立教俾語而夫知也飯脫粟而遣之婦歸已無家矣乃雉經死袁子曰儉美德也自矜其儉便爲凶德蓼蟲食苦而甘彼自甘之與人

無與也。必欲率天下人而爲蓼蟲悖矣。尚書亟表己之
儉。故并戰戰之尊。且嚴而亦忘之。有所矜乎。此者必有
所蔽乎彼也。故曰克己之謂仁。

嚴蔽

某大府御下嚴。鳳陽奚奴召謳者侑飲事發殺其頭。斃意以警衆也。屬後每巡羣奴挾妓而博強索州縣錢。箕坐大啖大府竟不聞。袁子曰：是嚴之蔽也。漁者謹提其綱而網踈焉。故常得巨魚。或捉搦于鯀蝦間則吞舟者逃。天下人善不善而已。其善者見一罪發卽一人死。有所不忍則專務爲隱匿。縱捨其不善者知罪小死大亦死。均死也。則寧爲其大以自溢于法之外。而姑快吾意。故橫益甚。然則上之嚴將禁惡也。而乃生惡慮失入也。而反失出。豈非有所蔽歟。旣蔽之將并其嚴而失之。然則宜如何。曰：多其察少其發。此御下者之法也。匪重。

刑。有。山。夏。卷。一。
匪。輕。適。協。其。平。此。用。刑。者。之。經。也。

釋名

名非聖人意也。聖人者乘其時之得爲行其心之所安歿齒而已矣。伏羲畫卦使民知陰陽蒼頡造字使民備遺忘非爲名也。然則名何始曰自尚書毛詩始。其人皆慕聖人情不能已。然後咏歌而紀載之。蓋以傳聖人之名而非自爲其名也。故堯典禹貢關雎葛覃皆不著作者。姓氏卽論語一書亦是孔子亡後弟子之弟子記之。孔子所不知也。使孔子若存若知之必不教作也。何也。孔子望其道行則有之矣。爲萬世師非孔子意也。故作論語者亦卒無姓氏。下此孟荀老莊皆著書皆列姓名。然而非聖人矣。余每讀史書若三國若南北朝僅數十

年而其間之英傑才俊可喜可愕之事繁富若此然則
夏四百年商六百年周之未有世本左氏以前其時事
迹俱付之冥冥可嘆也今儒生握管動求傳後豈以爲
夏商周千餘年之人皆不已若乎嘻愚矣然則余之好
有所著也如何曰察士無思慮之事則不樂蠶之爲絲
也終日綿轉不絕死而后已彼豈望人之朱綠之元黃
之衰冕而被服之哉亦不自知其何所爲而爲之耳余
欲明余之無所爲而爲之之意作釋名

釋官一篇送李晴江

心天官也耳目口鼻五官也公卿大夫百官也天官五
官豈我有哉天與之百官豈我有哉人與之以偶然之
有逢不可必與之數而又未有而求之既有而昵之業
已無有而思之是制于與不與也夫與不與彼又有所
制也天制于氣數而不敢與不敢不與人制于天而不
能與不能不與吾又受制于所受制之天與人而望其
與震其不與吁其惑哉雖然有天官而后有五官有五
官而后有百官以公卿大夫易耳目口鼻愚者不爲也
以耳目口鼻易其心愚者亦不爲也乃以公卿大夫之
故而累其身并累其心是以千金之珠易土苴也李先

生搖組鳴轂之乎中州不逾年解果其冠傑然氓矣則
又搖組鳴轂之乎江南不逾年解果其冠傑然氓矣邦
之人甚怪之甚避之子才子曳先生之背披先生之胸
暴之乎項氏之圍大暑日中而晒之曰嘻先生其有道
者歟始吾見先生之頭棄其蟬冕以爲頭無官也先生
之身解其印綬以爲身無官也今日光耀先生之方寸
蕩蕩然榮華之不知與淥之不分然則先生之臟腑百
竅俱無官也以無官之先生而人必與之官先生不辭
以有官之先生而人不與之官先生不悅吾知之矣我
之生也是天之有求于我也畀之耳目口鼻以粉飾太
虛而非我有所求于天也我之仕也是人之有求于我

也。界之爵祿車馬以受其利濟而非我有所求于人。也。赤子之哭不願生也。初生之哭是則將死之哭非矣。丹穴之逃懼爲君也。人君之逃是則人臣之不逃非矣。今之人已無求于先生。今之天猶有求于先生。于是有鼻而且甘乎椒桂有目而且玩乎白雲有耳而且耽乎松泉有口而且論乎是非而且耳不隨人聽目不隨人視四支不隨人約束卧可也坐可也居可也行可也一日可也百年可也不以百官病其五官而五官全不以五官病其天官而先生全言未畢先生蹶然興曰吾聞中民之士榮官吾非中民也而子又奚稱

小倉山房文集卷二

錢唐袁枚子才

文華殿大學士太傅朱文端公神道碑

乾隆元年秋九月十四日

今天子命 車駕 親臨大學士朱公第視疾又四日
公薨 天子再奠于其第加贈太傅謚文端冬十月公
長子通政使右通政必階次子翰林庶吉士基輿機歸
葬剛日已卜求文其貞珉以光揚休命枚伏考史冊堯
學于子州父舜學于務成昭古之聖人皆有所從遊以
增崇其欽明二臣者雖訐謨無聞而要其能爲堯舜之
師其人必邁皐夔而上公奉

世宗詔侍。皇上青宮最久。皇上登極未一載。仁言聖政重累而下九州八陔靡不異音同歎慶堯舜復生。然則公啓沃之功可以想見而公之風概又豈可求諸唐虞下哉。公諱軾字若瞻號可亭世居江西高安縣公。宣髮廣穎音中黃鐘鬚數十莖羅羅可數康熙癸酉舉人甲戌進士入翰林改知湖廣潛江縣事治獄忤總督某巡撫劉公殿衡至曰吾久聞朱令賢今觀所爭獄益信爲解于督臣而薦之遷刑部主事轉郎中督學陝西尹奉天再遷左都御史巡撫浙江。世宗登極累遷吏部尚書文華殿大學士故事宰相蒞任必詣翰林衙門公去而復至海內榮之其撫浙也浙西瀕海衢洋石墩多

風魚之災公榷老鹽倉於中小鹽渚夏蓋山功成眠慮
大安其任風憲也大將軍年羹堯以大逆誅父遐齡年
八十餘法當從坐九卿俱畫諾矣公不署名

世宗責問公奏以子刑父非法也臣簿錄年氏家書遐
齡訓其子甚嚴子不能從以陷于罪罪在子不在父
世宗領之遐齡竟免其辦治直隸營田也以漳衛諸河
爲經以趙北口兩淀爲咽喉穹壤引泉回坻衛陞漑田
六千頃其督賑陝西也安流庸禁遏糴勸糶粟請留漕
立醫廠增驛夫雨隨禱降民與災忘公潛躬味道神識
變然而于孜贊軍國靜密詳審朝廷倚如金城故爲都
御史時請終父喪 聖祖勿許在營田所請終母喪

世宗勿許公雞斯徒跪洩涕力請至於批鱗叩閣章三四上黃門近御皆咋舌瑟縮奪毀奏稿九卿大臣慰勸者相環而公陳之愈力萬不得已則引古墨經禮請從征西戎兩聖人愛其忠難須臾離閔其孝重違其意乃詔如怡賢親王居母喪故事勿朝會勿吉服勿補原官國家有大事公卿詣廬中咨謀性介而和病門生某餽棧公呼謝者再開封稱量罪仍還之曰以東修問先生於誼甚古受之無所爲非第書不云乎享多儀儀不及物吾體未贏無藉於侵故稱量之則已受汝儀矣奚必及物耶今上在藩邸時聞公講生民休戚歷朝治亂尤悉既卽位凡所陳奏無不張施公自知道可

大行輔志弊謀如恐不及乾隆元年首陳除開墾省刑
罰兩疏其他語秘外不盡知然公已七十二歲鬢頹禿
且盡天子恐用公晚一切大事虛已咨詢公亦忘身
殉國竭懇懇之思卒以成疾輔新君之閱月而薨其
遺表曰臣遭盛世入綸扉既老且疾口垂閉矣伏念國
家萬事根本君心所重者理財用人而已臣核國儲
經費竊然後有言利之臣倡為加增者幸勿聽之至于
君子小人之辨尤易混淆尚書逆于汝心遜于汝志二
語願皇上時以為念則臣魂魄長逝永無遺憾章上
海內傳誦之所著有春秋詳解三禮纂名臣循吏等傳
夫人陳氏先公亡合葬某

銘曰。惟天以聖。清有德。篤生良弼。惟帝以聖。相有庸。恩始榮。終奕奕。太傅學爲儒。宗禋躬何約。艾物何豐。孤終旣協。陰陽就宮。變醕養瘠。休我王風。凡彼百工。倖倖衝衝。或才之忌。或盛名之攻。至于太傅。而曰。君子竟罔不僉。同梁木壞矣。心支明堂。舟楫朽矣。慮海波之或揚。讀公遺表。惓惓。君王身墜。泉底心立。殿旁鼻謨。說命。餘音琅琅。配于太廟。祀于太學。書于旗常。蒸于甕。礪松柏。九九羊虎。躍躍永峙。一碑以侑五楹。

戶部尚書兩江總督高文良公神道碑

公諱其俾字章之先世自高密遷鐵嶺父澹菴累官口北道生五子公其仲也十八歲舉于鄉十九歲登進士入詞林

聖祖奇公狀貌欲試以外事會四川有獄未決命公往訊歸上問打箭爐形勢公口陳手畫沉詳不煩

上器之命典試蜀中督學山西累遷內閣學士巡撫粵西邠橫苗叛公單騎入寨曉以威德萬衆投刀乞降

世宗登極遷雲貴總督公奏西藏用兵中甸乃進藏咽喉請調鶴麗劍川兵鎮撫之開墾陸涼州屯穀儲侍改哀牢山土司爲流與苗大小戰三十有二所平魯魁茅

洞諸寨所擒呼。呼腦兒。刀光煥等。以功襲拜他拉布哈番。福建饑民變。調公督浙閩。公道浙卽奏。姦民不可不誅。饑民不可不養。請撥溫台倉穀七萬石。運閩寬臺灣米。禁濟漳泉二府。上從之。閩人大和。閩自朱一貴反後。番不納餉。小不順。輒攻劫。焚殺公立。民夷界址。碑移興泉道。駐廈門。設哨船巡之。苗夷讐服。生番阿審氏反。公遣臺灣道吳昌祚將何勉從。竹脚寮南投峙。兩路進兵禽之。上聞喜曰。卿在閩。朕無南顧憂矣。會福建巡撫某不識字。見人倨忌者。欲傾之。密奏福建倉穀全虧。而公又與所親山東按察使白映棠私言。江浙清查無益。恐累民自奏之。上以公袒同官。沽名罔上。不道。遣內

大臣史貽直等馳驛料簡闔穀而調公督兩江會雲南
普思苗叛貴州廣西猺獠應之乃命公總督三省公
到滇卽率提督蔡成貴等討平之仍回兩江權巡撫事
今上登極公首劾淮關權使年希堯人以為仁者之勇
尋遷戶部尚書入都過寶應薨諡文貞年六十三公揚
休玉色進止凝重目瞻焉不能遠視然長寸餘無事輒
耿開則精光射人性端靜包涵蘊含一本於自然人相
對如臨山海光明之中廣大無所極每奏事天語褒
寵或忤旨且夕禍不測而公施施如平時雖家孳賓
僚欲窺公顏卜主眷盛衰不可得也世宗深知公性
寬不能掖之使奮代入匿瑕藏疾至累及終不悔然於

國憲民瘼大綱必舉且望重治行終長者故雖詔書迫責而封疆重任十三年如一日西師大事必密與謀阿喇蒲坦降上問公公奏宜減兵不宜撤兵宜加戌糧以彈壓兀魯特喀爾喀兩部落降人和羅爾邁逃上又問公公奏有之不爲多無之不爲少宜撫其不逃者愧其逃者上嘉納之孫文定公嘉淦少時殺人報仇公督學時爲脫其罪故終身執弟子禮惟敬李敏達公衛爲滇南布政使與安南爭鉛廠河上切責公引咎絕不言李李慙感折骨後李眷日隆上疑公叢脞問李李奏高其偉勤過臣太慎故少遲緩耳又短視終日胸摩文案生肉脰起可驗也逾年公入覲奏事畢上

命褫公衣公驚以爲將刑侍衛摩公胸奏曰李衛不欺
上大笑補熙提督松江 上猶慮公在江久不無裨政
命補察劾 旨甚嚴補唯唯到江南聞人人稱公賢乃
以實奏 上喜曰熙不迎合朕樸誠可嘉卽遷總漕嗚
呼公與補俱不可及而 世宗之神聖誠何如也公於學
靡不窺天文地理皆洞悉而詩尤工所著奏疏十卷
堪輿家言四卷味和堂詩集八卷行世繼配蔡夫人亦
能詩公以定萬年吉地功賜男爵葬大興縣秀才營之
原子某
銘曰泰山之雲崇朝而亘何卽之不高而探之莫竟扶
桑之枝浴日而行何風吹似柔而雷焚不驚惟公秉夷

姤之性行恢台之政抒端右之才慰閭左之懷始任戴
冠來扶王風赤霄冒頂素手捫空導帝九阡罔弗棣通
悅尼來遠有睟其容歸邪星出白澤神通蠅矛丈八鼉
鼓一中使獠村狗國區人鼈封靡不書雲奉歷橫草成
功徵衣旁旅其聲喁喁帝曰汝太將牢而弗操刺宜
淬其鋒以持劍臘公拜稽首黎收而答臣持耆心臣亭
者法七年教民三日先甲百辟欽之高山仰兮九乾竺
之終德賞兮彖象祈連高一丈兮所謂大臣盡置以爲
像兮

禮部尚書太子太傅楊公神道碑

乾隆元年九月禮部尚書楊公薨於位

天子震悼加贈太子太傅崇祀賢良公諱名時字賓實一字凝齋其先出關西明初以軍功襲鳳陽勲衛家懷遠徙江陰世無顯者及公貴三代俱贈如公官公湛深聖學自有衣至爲尚書言動措施敷奏一不外于孔孟以事被譴人懼且不測而公構殘火治詩禮如平時聖祖時宰相李文貞公嘗薦公爲第一流康熙庚午舉人辛未進士入翰林督學直隸典試陝西歸授直隸巡道當是時直隸無兩司官巡道司刑名所屬見憚迎奉者相夸以多金幣出巡則餽夫錢驛費者重足錯轂而至

公。盡。切。禁。絕。牢。籍。書。吏。僅。通。食。飲。姦。不。得。發。每。讞。決。多。所。平。反。居。月。餘。天。下。稱。其。廉。上。聞。喜。曰。楊。名。時。不。特。官。清。且。好。也。遷。貴。州。布。政。使。尋。巡。撫。雲。南。時。征。西。藏。滿。洲。兵。集。省。城。公。慮。擾。民。爲。箭。茅。葺。屋。撤。牙。門。西。廊。使。居。而。中。隔。以。垣。遣。官。巡。之。房。其。馬。夏。不。宛。賜。順。時。農。土。教。民。農。桑。輟。畜。饑。寒。者。收。穀。之。所。劾。官。雖。有。罪。必。助。其。歸。較。巡。道。時。尤。多。仁。惠。曰。昔。專。乎。巡。今。兼。乎。撫。故。也。在。滇。二。年。而。聖。祖。崩。世。宗。憲。皇。帝。卽。位。雍。正。三。年。遷。雲。貴。總。督。五。年。題。豁。鹽。課。獲。譴。六。年。受。代。公。旣。以。道。自。任。不。與。時。合。或。以。危。事。中。公。新。撫。朱。綱。來。鞠。不。得。毫。毛。罪。坐。他。事。修。城。雍。正。十。三。年。冬。今。天。子。受。世。宗。遺。

詔卽位召用向所廢置故老大臣公首被召天下想望
手采滇黔人狂走權告老幼相率觀公或張酒宴羅拜
繼以泣至環馬首不得前既入覲天子召對良久命
以課皇子造人才秩典禮數大事既出尋賜馬賜第時
公年七十六矣以禮部尚書兼管國子監祭酒事初康熙時江南翰林非二甲前勿與公獨以三甲得故事直隸學政非宮坊不與公獨以檢討往至是天子命公教習庶吉士時未館選而詔先下公受恩三朝異數皆此類也公旣用益陳利害諸朝臣言可採者爲代奏聞所定滇省事有弊卽請報罷時天子銳意太平於藩邸時深知公公亦感上責望重欲盡所學以報諸

仁政將次施行而公遽病闕庶常卷勞患手足痛上
醫問不絕公具冠帶草遺表薨壽七十七娶劉夫人無
子以弟子應詢爲子葬某

銘曰何聖非儒何事非書學之不至或拘或迂道果能
宏沛然有餘穆穆楊公其學粹如禮士敬容仁人貴際
大賁無色大羹無味薰薰熙熙口噓元氣用之則行投
之無戾天子曰咨汝弼三朝如彼卿雲久爛丹霄惟
汝余輔以帥百僚伯夷伯班序顛毛公拜於殿民賀
於郊惜哉冬日雖和暑短逃矣春風雖歸澤遠蒼蒼九
乾茫茫五施兩楹兩廡魂無不之古書黑石罔或磨治
路過者勿馳大賢在茲

刑部尚書富察公神道碑

公諱傳龜字閣峯先世居長白山號富察氏祖額色泰從
太宗文皇帝用兵有大功子四人次子驃騎將軍噶爾
漢輔

聖祖致太平生公公眉目英朗倨身而揚聲精騎射讀
書目數行下年十六選入右衛侍 世宗于雍邸驟乘
持蓋不頃刻離雍正元年補兵部右侍郎年羹堯以大
逆誅窮其黨公謂廷臣曰元惡已誅脅從罔治龜事上
久能知 上之用心倘諸公心知某寃而不言非 上
意也諸王大臣以公語平反無算岳興阿者九門提督
隆科多子也隆柄用時禮下于公公不往及隆敗公爲

上言岳無罪。上疑公與隆有交故爲岳地謫戍黑龍江。公聞命負書一篋步往。率家僮斧薪自炊。先是公在上前嘗論準噶爾情形。上不以爲然。用兵數年所言驗乃。召公還。予侍郎銜命往軍前參贊。未行仍命入宮侍起居。上遣和醫藥事皆公掌之。十二年春命公觀兵鄂爾多斯部落。中途偵賊數萬掠地西走。公卽赴拜達理。請于大將軍馬爾賽曰。賊送死可唾手取也。雖遠來雖兵疲猶能一戰。惟馬力稍竭。願大將軍給輕騎數千助。雖事成歸功將軍。事敗雖受其罪。馬嘿然再三云。不應。公憤激自率所部出與賊戰。大敗之。獲輜重牛畜萬計。卒以馬病不能窮追。事聞。天子大悅。賜孔

翎移佐平郡王軍謀斬大將軍馬爾賽狗於軍會賊有
求降意而盈廷諸臣皆欲遣使議和罷兵 上問公公

叩頭曰此社稷之福也 上意遂定卽命公同都統羅

密學士阿克敦往時戰爭連年虜氛甚惡窮沙萬里雪
沒馬鼻行者迷向認人畜白骨而行公聞命不辦嚴徑
上馬馳抵策凌部落策凌坐穹廬紅氍毹爲褥金龍蟠
疊五尺高侍者貂蟬持兵女樂數行彈琵琶獻酒公從
容宣詔音響如鐘首蠻伏地觀者以萬計皆膜手指夷
言曰果然中國大皇帝使臣好狀貌也 詔劃阿爾泰

山爲界策凌曰阿爾泰不毛之地中國奚用且我先人
披荆棘厲血刃與喀爾喀爭來之地寧忍棄之公曰以

爲若不念先人耶若肯念先人更善昔我聖祖征噶爾旦通好於若國若國主伐叛助順縛噶爾旦送來在途病死若國震于天誅卽獻阿爾泰地方中國受之置驛設守已有年矣今猶以爲言是非背大皇帝乃是背其先人豈非大不祥乎策凌語塞思以利害動公乃集十四鄂托十四宰桑合而見公曰議不成公不歸矣鄂托宰桑者華言十四路頭目也公叱曰出嘉峪關而思歸者庸奴也某思歸某不來矣今日之議事集萬世和好不集三軍暴骨一言可決而譏謔如兒女子吾爲而王羞也諸酋相目以退翼日策凌如約繕表求公奏并遣宰桑回來獻紫駝明珠等物世宗大悅赦天

下加公三級晉秩都統。世宗崩。今上登極。遷刑部尚書。以誤舉叅領明山失察家人兩事落職入獄。病刑部尚書孫公嘉淦奏請就醫。私第許之。薨于家。年六十二。葬西山獨樹里。子三人。長昌齡。官編修。次科。占。次查訥。俱有父風。公寬于接下。太雜。剛于事上。太愨。伉爽。自喜。好聲矜賢。簡節而疎目。以故無平不陂。福與禍俱。丙辰會試。榜發。公奏請搜落卷。上允之。復取中三十餘人。有廣東劉起振者。年八十八。以公薦入翰林。爲一時盛事。所居稻香草堂。有白雁峯。鰲峯。東臯南莊。諸勝。積書萬卷。招四方人與遊。性理經史詩文。醫人日者。悉萃集焉。果親王任事時。警欵所及。九卿唯唯。公在坐。伺王

發聲聽未畢輒迎拒曰王誤矣王不能堪世宗責公曰汝知果親王何語而又誤耶公亦不能答也

銘曰公如劍其干將乎誰不欽以其光乎卒以折毋乃剛乎迷陽迷陽傷吾良乎固不如赤堇之錮而南山之藏乎

光祿大夫禮部尚書王公神道碑

禮部尚書王公薨黃岡陽羅六十年墓無碑其孫廷泰來言曰先祖遺命弗爲碑碑缺至今廷泰出先生門下讀先生金石文字于古無讓然則安知非先人之靈不欲以姓名爵里草草託人必待後世之能與夫班馬爭者然後紀傳之耶銘我先人補子孫之憾先生其奚辭余謹按其狀而書之曰公諱澤宏字涓來一字昊廬家本瑯琊十世祖東平侯遷于黃岡公父用子崇禎進士任淮安推官內擢檢討以公故封光祿大夫禮部尚書有子五人公其長也玉色揚聲風采雋異八歲待封公于淮封公指簿案戲曰兒他日亦掌是乎公搖首別手

一書曰兒讀此願掌此摺之禮經一部也翁乃大奇之年十四補博士弟子中崇禎壬午副榜當是時流賊四起黃岡氛甚惡公避亂九江路遇賊劫其家屬公逃深箐中三日不食譚爾恒者九江豪也夜夢采鳳翔竹間且伺得公餓色焦然憐而衣食之公說譚曰某祖父母父母俱陷賊中某義不獨生公仁人能活某一家乎譚問計公曰賊衆烏合無遠志又無刁斗之設每夕猪啼而響必置酒高會乘其醉襲之克矣譚許諾糾鄉勇百餘襍持鋤盾公操戈而先衆從之直斫賊營賊大驚手不及格皆逃公殺數十人扶祖父母父母出其他子女得脫者泣謝環拜求見主帥就視乃書生儒冠美而文

者也。時公年二十一矣。甲申。

世祖章皇帝登極。天下大定。公歸里讀書。辛卯。舉于鄉。乙未。成進士。入翰林。督學京畿。再遷吏部侍郎。左都御史。禮部尚書。既貴。爲譚爾恆納粟得官。同知所以報也。立朝專持大體。御史某奏流人宜徙烏喇。公不可。

聖祖駁問。公奏稱。烏喇死地。流非死罪。果罪不止流。當死死不必烏喇。罪不當死。故流。流不可烏喇。舉朝無以難事。竟寢後。

聖祖巡烏喇。嘆曰。此非人所居。王澤宏其引朕于仁乎。先是。江西徵酒。每米石輸水岸費若干。相沿爲正。供會江督奏入。九卿議者多持兩端。公力言。洪都地瘠民貧。

除之便 天子以爲然歲省浮額十餘萬西江稅關舊
設湖口湖口灘石森立商舟待驗往往漂沒公奏移九
江嗣後泊者晏然無他虞往來商爲建生祠癸未以老
辭位歸居金陵之大功坊角巾散服徜徉山水若忘其
爲國老者然 繼興南巡公三逢盛典每見則賜坐賜
襪藥勞問優渥鄉里以爲榮年八十三薨子六人長材
升次材任已未進士官副都御史次材成官江西南康
令次材獻材信材振材振卽廷泰父也先娶陳氏繼周
氏俱封夫人

銘曰天開虞廷先生鳳鳥來舞來儀爲國初老公之誕
生神骨珊珊禮儀三百幼願學焉 帝曰嘉汝汝作秩宗

勗帥以敬克相朕躬。馮齋築鬻。罔或不供。吉凶軍嘉必
度于本末。而後立衷。公拜稽首。舍舒憲章。斟酌六典。損
益百王。執大琰圭。而佐烝嘗。亦咸有一德。以格于穹蒼。
侃侃霜肅。澄澄水止。無赫赫之功。不沾沾自喜。老而安
焉。三山二水。廷泰其文。黃中通理。補徵元石。永光萬里。
祖德訪孫碑文。助史公侯之齋。必復其始。

和碩簡親王碑

乾隆十四年簡親王神保住以事削爵

天子命鎮國將軍德沛襲封王名德沛字濟齋祖福胤
闕封貝勒父福存封貝子王以嫡出應襲封鎮國將軍
讓與從子恒魯而已托足疾入西山讀書

世宗以果親王薦 召見問所欲曰願側身孔廟分特
豚之饋

世宗重之授兵部侍郎遷古北口提督巡撫甘肅

今上登極遷湖廣總督調浙閩再調江南王面頰無鬚
髯願雷如矢道氣益然服侍皆內監宦者每見屬吏南
而坐監司以下長跪白事外于周孔仁義一不關口聞

人善則信聞人過則疑以和顏接士士之曉經術能吏治者尤篤愛如子弟然甘肅歉收多不上聞王到兩月不雨報旱普賑之甘肅報災自王始衡永郴道某修柁桿州于洞庭湖便文自營夫役多溺死前總督邁柱庇之某故大俠有氣力知王來必不容容走關節京師凡貴人識王者聽請書月以百數王積尺許一切不開視先劾奏某褫職擒問服罪然後聚而焚之御史朱纘悼劾福建巡撫某受潯州守某贓上疑不實命朱往會同王鞠時巡撫與太守俱未解任聞朱來欺其孤遣猾吏鉗伺之風影甚危人亦疑王與巡撫同城不先舉發而爲朱所奏必護前朱以小臣犯衆怒行萬里外勢必

不能自脫。王竟自伏。失察罪奏。血朱而置。巡撫太守于法。天下服。其公越俗尚。職有五通神。為崇王毀其像。將軍隆升貪縱。王劾去之。民大懼。為建生祠。乾隆七年。淮揚大水。王慮漕粟往。民不及。爇乃媿餅千艘。蔽河而哺。兩岸噏聲若流。菜色立變。謂府縣放手開倉庫。賑寧役。侵可重。領可務。使恩流于民。凡留養資。送煮糜。張厰加恤。各色口靡不舉。是歲奏動地。丁關稅鹽課銀共一千萬。官吏震駭。或色不相許。王輒奮曰。堯舜在上。必不以活民獲罪。縱為活民。故罷歸。于心不更安耶。論者謂江南是年災實非常。然數百萬札瘥。捐瘠鮮溝壑死。又不相寇。災賊殺非王之勇。不能肩非。皇上之仁。不能容。

也。議河事與總河高文定公不合。召補吏部侍郎兼國子監祭酒。尋遷尚書。封王一年薨。王宅心遊目。恒在三代。上入學。謁聖必摩挲其俎豆。鐘篪懷而慕思。不忍訣。捨居恒危坐。番番雖矜莊而虛已已甚。常詣成均講大學。橋門俯聽者千餘人。皆悅服。獨助教王之銳前曰。猶未盡。王請益曰。自天子以至于庶人。一節聖經畢矣。其本亂云云。須重申之以見吾儒所以異于二氏之義。王欣然下階三肅而謝助教者。河間人所稱仲穎先生者也。袁枚宰江浦時。王過境。僉從索供。頓勢甚張。枚以實啓王。嚴檄禁督。嗣後肅然。以此受知尤深。王所著有周易解八卷。實踐錄二卷。薨年六十九。謚曰儀。無子。以從

子恒質嗣

銘曰彤魚昌僕分姓羲軒河間東平卓爾不羣惟王兼
之爲國宗親聖涯稅駕元淵澡身吁茶萬物拱押天
人純終領聞情情好學六峯陰陽三雍禮樂咸精其能
爲民先覺洽日九披卿雲五采高掌遠燕皇于四海天
災已極乃見帝力帝座難通乃見王功羣黎報王
立廟烝嘗王不能到王在孔廟温明秘器八綽龍牽同
哀其嘆堊玉幽燕遙知羣旁太極流泉定無禱草靈著
芊芊

吏部侍郎魏公神道碑

枚幼時見里巷坐八九十翁說賢太守必曰魏公或新
太守甫泣里魁過必問得如魏公否枚問公政何若曰
公至海不波旱必雨浮糧捐盜賊窟野無停柩寺無少
尼嘗過市有旗厮強句毀器拆屋拘之不服曰我固山
子也公怒命縛輿後吾將訴于將軍輿夫急馳牽烈日
中公肅竇謁廟故紆其道固山子不能堪叩頭曰願受
公責毋訴將軍公曰公子安可責哉且公子世家知禮
義當不爾必家奴教之耳杖其奴四十徇于市自後八
旗肅然撫軍黃叔琳獲罪有蜚語稱其弟叔璫爲御史
巡臺灣過杭擾民民罷市

世宗命將軍總督會訊訊曰觀者如堵墻黃公囚服噤
斷將軍呼三木脅之公率錢塘楊令歷階上抗聲大言
曰府縣司地方市罷而府縣不知請先劾府縣再
訊叔璫且天子惟不信風聞故命大臣窮竟若奏不
實而周內之是欺天子也竊以爲不可今孩兒老母
萬千在庭下辱將軍玉聲一問則叔璫與府縣俱無所
逃罪將軍目外望諸百姓匍伏呼曰如魏公言黃竟得
釋公所行此其犖犖大者枚聞而識之後十餘年枚知
江寧公爲安徽布政使得朝夕見矜寵甚盛公時年六
十餘朴而和疑不稱其風力者蓋公之爵已尊年已高
養愈粹也今年公薨將葬其次子內閣侍讀允迪來曰

子先君竹馬兒童也長又受先君知然則銘先君惟子是屬枚惶恐辭讓懼文不稱德爲屬最羞繼又思銘公可無愧詞而枚文或將藉公增重乃按其狀而書之曰公諱定國字步于號慎齋太父諱菁官中書舍人居江西建昌之水斗砦鼎革時守將欲屠砦素善舍人給契箭一枝曰保而家舍人不可曰願與全砦同死將誼而許之活者千餘家子方泰官禮部侍郎生公公舉康熙乙酉科登進士宰應城得民和他郡訟者走應城如鶩大府知之遇民變必檄公往雲夢孝感皆以守令故閉城罷市他官徘徊不得入望見應城縣旗幟呼曰魏青天至矣皆解散羅拜事聞擢知冀州世宗登極遷守

杭州再遷河南按察使當是時督臣田文鏡政尚猛上
蔡令某怙田勢侮張公首劾之田怒力未有以傷會調
直隸與布政使張迺搆人致死謫戍黑龍江先是兵部
尚書傅鼐謫焉公到之前夕傅夢魏徵來翌日公至傅
心敬之而未言亡何同步江上一丈夫來汲熟視公曰
公母姓魏乎曰然丈夫跪叩頭泣曰民冀州人也公刑
我公不記耶公曰然則應恨我而何以泣曰民從人爲
盜法當死公爲減流雖遣發公意猶若其不欲遣發者
然故感公語畢再泣再叩頭傅亦愴然不自禁直前握
手曰殺之不怨公孔明耳豈僅魏元成哉乃述前夢大
歡笑 今上元年公與楊名時魏廷珍等同召見授西

安按察使大將軍查郎阿從蘭州歸衆官郊迎日已暮
查下馬問誰是魏觀察公趨而前查手燭照示衆官曰
此傅閣峯爲我言八年塞外友刑人而人感者容顏尚
未老也再陞山東布政使調安徽先是司胥居奇苛駁
各屬冊籍公命代造檄發乃相視閣手州縣奏銷輒以
尾數被部議公代解而催還之遷安徽巡撫入爲刑部
侍郎再轉吏部以老乞休歸七年薨壽七十有八公在
浙時浙有南北關南關課贏南司請撫臣入奏公在坐
曰不可若以稅贏爲殿最則今年南勝北明年北勝南
如物力何汪景祺以大逆誅子女坐流一女許配中表
大府以無媒故欲坐之公不可曰中表爲婚何事于媒

爲除其名其持大體如此夫人曾氏再娶蕭氏長子涵
暉知鎮遠府孫若干以某月日葬某

銘曰一檄禽斬四十賊一歲殺虎七百隻公之吏術廉
且傑赴道若渴義若熱卽之温温如不克異之委順震
之決西江之西巖巖石其生也榮爲公碣